

Shmo. 6th Oct 1898



大清光緒廿四年

本館新聞除禮拜外每日出版一
紙外埠均可函致本館取
閱如外埠閱報加寄費不
也除日本英法各國深辦釘書
紙各機器以待與英各官紳
刊印活字及各式花邊等延
西人排印工藝甚精所有石
印字大小機器均用精工刊

第五千零六十一號

申報

(號七第牌門口虱巴舊在設開館本)

印工級絕倫並延有文士書
寫各種文字現由上海購到
各種書籍出售其書目另行
刊佈所有各項原稿其有須
本館所登者附登否亦須無
礙於人而後始錄其有謬
成文以及支離費解者概不
登錄嗣後諸君來札尚祈
自諒更須寫真爵里而後敢
將原稿收回也本館謹白

戊戌八月廿一日

算核行按皆碼二字每出產日隔隔申每後日次(四拜禮號六月十年八十九百八千一英大)仙登字每日常白告倘五張每為圓一月報

移寓告白 ○啟者余現已移寓在土庫煎芝亞里巷即舊麗如銀行邊前德律風公司巷內第一
號門牌樓上辦理認務倘遠近 諸君不棄請函惠然賜教祈即按址前來面商當不負其所託也此佈
大清光緒廿四年八月十九日
阮添籌謹啟

召對不拘官階以去蒙蔽議

世何以治曰上無不達之情下無不通之隱勞苦疾病利弊得失上下洞然無所隔闕而世以治是故黃帝
有明臺之議堯有衢室之間舜有告善之旌禹立諫鼓而備訊喚春秋時晉文聽輿人之誦子產不毀鄉校
漢書食貨志孟春之月行人振木鐸徇於路以求詩獻之太師比其音律以聞於天子凡此皆所以通上下
之情也否則上所行之政民以為苦也而上例行之甚且雷厲風行以督之上所用之人民以為蠹也而上
仍用之甚且推心置腹以任之於是乎鸞鳴可以不分鹿馬可以安指沸羹可以為清宴嗚呼可以為鶴呼
上下隔絕舉凡民間之勞苦疾病利弊得失皆無所聞而世遂以不治然則求世之治必求通上下之情求
通上下之情必先祛臣工蒙蔽之習誠以臣工者國家興衰所繫而君與民之樞紐也今 皇上天宣聰明
知近今 朝廷之弊首在蒙蔽特下 明詔戒諭羣臣令其破除積習毋得拘牽忌諱抑遏指陳凡部院司
員及士民有上書言事者均不得稍有阻格備米芻糞後因禮部堂官阻遏代奏條陳 予以嚴譴 諭此
後凡有代奏事件原封呈遞不得拆閱而又 令各省藩臬道府皆得上書言事不得以隱默顧忌為懷其
州縣官應由督撫代遞即由督撫原封呈奏毋或有阻 諭音塵降環海小民無不共仰 皇上勵精圖治
革除積習之心撥雲霧而見青天從此民間之勞苦疾病利弊得失內外大員皆無從營私隱蔽而可以盡
達 天聽 國家轉弱為強之機即伏於此不特普天率土之幸抑亦我 祖 宗社稷之福也而草莽小
民則又有一得之愚焉夫欲除蒙蔽固在廣開言路而欲開言路則又不徒在封章而在 皇上召見諸臣
之勤而且廣也竊維我 朝政令 皇上坐理萬幾每日令部院各衙門堂官及科道等官以次近前奏事
原於宵衣旰食之中寓鑑別人才之意而外省督撫提鎮大員亦得特諭 陛見面諮方略口陳利害惟內
外微員則皆不得瞻對 天顏盡抒胸臆蓋一以為 朝廷體統所關一以為 皇上憂勤蒞政亦斷不能
過涉紛繁也然愚以為官無論內外階無崇卑既經委質策名於 朝即無不有忠 君愛 國之意豈
內外大臣可以備 皇上之顧問而內外小臣獨不能備 皇上之顧問乎倘能破除此例凡在京衙門不
拘大小官秩有為 聖衷所知者皆得不時 召見至於外省道府州縣等官 皇上欲有所詢亦可隨時
召至京師使之 覲見微特政事之闕失民生之休戚皆可以周咨而得而諸臣才具之短長心術之邪
正品行之優劣皆為 皇上聖心所默識會推簡用之際 宸衷可以立斷無疑矣若徒恃章奏條陳恐其
人才本平庸或假手於有名幕僚或屬稿於高才親友俾邀 聖聽得荷 殊榮及至令其設施卒以才力
不勝不能躬行實踐甚且有心思狡詐借以行奸反致因此微事者斯亦意中所有之事是欲其去蒙蔽而
先蹈蒙蔽之實也故愚以為欲祛蒙蔽不僅在條奏之盡言而尤在 皇上之能廣 召對不可拘拘於官
秩之高卑至於容貌辭氣人各不同咫尺 天威無人不畏尤宜假以 靈顏誘之納誨俾得壯其敢言之
氣使無有或隱之情則於政教號令裨益豈不甚大古帝王明目達聰之盛庶幾可重觀於今茲矣尙何有
上下之情之積不能通乎

上諭恭錄 ○七月廿八日奉 上諭雲南按察使着鄒瀚副補授欽此 ○同日奉 上諭貴州古
州鎮總兵員缺着張紹模補授欽此 ○同日奉 上諭都察院奏舉人張如翰呈請開辦農學章程等語着
禮部會同孫家鼐端方等議奏欽此 ○同日奉 旨前已明降諭旨令各省藩臬道府均得上書言事其州
縣條陳之件則由督撫將原封代遞着各省督撫傳知藩臬道府凡有條陳均令其自行專摺具奏毋許代
遞其州縣等官言事者仍由督撫將原封代遞至士民有欲上書言事者即經由本省道府等隨時代奏均
不准稍有抑格如敢故違或別經發覺定將該省地方官嚴行懲處仍將遵辦情形迅速電奏欽此 ○同日
奉 上諭雲南臨安開廣道員缺着李必昌補授欽此 ○同日奉 上諭着徵奏假期屆滿病勢加劇懇請開缺一摺吉林
着交刑部會同宗人府嚴行審訊欽此 ○同日奉 上諭着徵奏假期屆滿病勢加劇懇請開缺一摺吉林

副都統者徵著准其開缺回籍欽此○同日奉 上諭張英麟酌保人才以備任便一摺廣東候補道林怡游分省補用知府劉恩樹等著來京聽候召見刑部候補主事陳春瀛著該部傳知該員預備召見欽此○同日奏事處口傳奉 旨以後各部院衙門奏事摺匣券後備什件務要厚重堅固欽此○二十九日奉 上諭軍機大臣等議覆袁昶條陳籌八旂生計等語旗丁生齒日煩徒以格于定例不得在外省經商貿易遂致生計日艱從前富俊松筠沈桂芬等均曾籌議及之現當百度維新允宜弛寬其禁俾得各習四民之業以資養生著戶部詳查嘉慶道光年間從戶鑿屯計口授產成案切實訂立新章會同八旂部統迅速奏明辦理欽此○同日奉 上諭錢應溥奏假期又滿病仍未愈懇恩賞假並派員署缺一摺錢應溥著賞假一個月調理工部尚書著徐樹銘署理欽此

法國電音 ○本坡實得力太晤士西報接十九日英京來電云埃及蘇丹現已言往土京謁晤土王至其所以拜晤土王之舉實守備之職云信如是言則馬贊之據花梳打地方實出法廷之意乃英與法議欲令該弁退去而後再行商酌想法必不能從然則花梳打之事恐正不易於妥洽也

埃君赴土電音 ○本坡實得力太晤士西報接十九日英京來電云埃及蘇丹現已言往土京謁晤土王至其所以拜晤土王之舉實因何事外間尚不能得而知之惟據觀者測之則緣埃及蘇丹有祖業在土國馬施勞尼亞之打梳地方此次埃君赴土想即因此一事與土王面商也

孟買電音 ○本坡實得力太晤士西報接十九日英京來電云孟買正學之人於前禮拜內患核症而斃者計有二百零九人再推前一禮拜內死者一百二十七人又查孟買全境於此期內因患此症而斃者約近四千人之多是亦可見疫象猖狂之概矣

割據定議 ○倫敦來信云英京某日報接其駐紐約探訪人電稱探實美國廷臣現已詢謀命同將飛獵邊羣島概歸美國保護而文尼刺及其附近之要島數處則歸美國管轄云云然則呂宋之事西班牙已無可望矣

梧州決犯 ○粵垣西來信云本月初八日梧州處決亂魁八名當其押赴市曹之際綱帶甚嚴諸犯均以一木縛而銜於其口便不能言迨至半途有犯一名其木忽然墮地因極口呼冤迨至處決後并有孩童多人在於法場將盜屍戲耍并學作殺人之狀云

英論中國商情 ○香港來信云英國委員來華查探商務經已返英著成一書五百餘篇專論中土商務此書要旨謂須多建淺水內河船蓋以中國河道經緯縱橫通達四方絡繹不絕而華人渡船運載艱難此舟楫之不能靈通也渡船行數日之程輪船則數點鐘可至如能多製淺水小輪往還中國小河中國舟楫可一掃而空以內河而論從上海長江等處而至粵省西江祇有桂林北方有地一區相為阻隔若通此一地以爲運河上海香港離相去一千五百里之遙可由內河紆迴而至若論黃河支幹各處多有以河相與吻接將通行各處之河貫而通之以天津上海香港爲大總匯由此派船運貨入內地則英國製造等物將可輸入中國且取華裝之貨式歸而講求精美然後運回中國內地消售想其銷路必廣華人拙於製作有不盡奪其利歟耶

中英茶務 ○歐洲西報云中國茶業向甲全球今者貿易日衰皆爲華人不善講究致印度之茶消場遠勝於中國而中國之茶遠勝於印度萬萬惟工夫不及印度之精遂致華茶日行停滯不知西人飲茶惟求力足而深而外觀之矚不甚留意也荷華人能用新法製茶與印度之法無異而中國茶料又出於印度之上何患茶業之不蹶而復振歟今漢口設立茶務公司不知能步武西法而不蹈故轍否惟印度蒸茶日上公司籌集雲屯中國僅於漢口設一公司恐未足敵其聲勢且華人出口稅重亦茶商裹足之由爲今之計惟有輕其關稅去其故法多購新機則中國茶業之隆可立而待聞之西人謂印度之茶食之令人煩惱不寐不如華茶之和平則中國一旦去其故習究求新法則茶業之利權自能挽回矣

晉土稅則 ○山西省營粟之產以太原榆次交城文水代州歸化等處爲最盛歲征土藥地畝稅銀十萬九千四百餘兩坐賣釐金九萬六千餘兩行商藥料稅銀五萬七千七百餘兩計通省全年所收之銀共有二十六萬三千一百餘兩而太原一百七十六村共種土藥四千五百三十五畝七分榆次一百五十村共種土藥三千零十三畝三分交城一百四十五村共種土藥三千五百七十一畝八分文水一百七十五村共種土藥四千三百零二畝五分代州一百九十四村共種土藥五千零九十六畝七分歸化一百六十一村共種土藥四千八百八十五畝一分

造就人才 ○京師來信云七月初開五城察院公同示諭勸辦京師小學堂或獨力捐建或集資經始俾寒峻之有志向學者均得入學肄業將來風氣漸開人才當不難濟濟也又南橫街公立八旗奉直小學堂定期七月月中旬續傳各學生擇期入學綜計先後三班學生已有六十人之譜矣

差務要聞 ○北京來函云探悉慶郡王面奉 皇太后懿旨本年九月幸津閱操所有內廷當差人員以及一切車馬什物等定於九月十二十三十四等日先用火車運送至津應飭順天府府尹每日預備火車三百輛聽候差用聞胡大京兆已飭津蘆車務處先期謹敬預備

月十二十三十四等日先用火車運送至津應飭順天府府尹每日預備火車三百輛聽候差用聞胡大京兆已飭津蘆車務處先期謹敬預備

矣○宜興埠操場地段四面濱水汪洋寬闊澤國前以人工用水車數十部盡力工作究以積水過多人力較少不能勉期告竣現差務局總辦特向大沽船塢借得抽水大機器一部聞此項機器每日可抽水萬餘担較之前用水車運速有天淵之別業經張南楨觀察特派熟手工匠將鍋爐機器不日內運至宜興埠候用云○向來 皇上謁陵成例直隸總督於 聖駕啟鑾之日進獻食物一次迴鑾之日及進獻食物一次此大 幸津閱操差務局司道等因查照成案恭酌辦理詳請中堂於 聖駕抵津後一日及回京前一日均呈進一次一切食物請飭督轅中軍官謹敬預備云 宜興埠操場土工及南門外至海光寺海光寺至租界所有修治道路土工均關緊要現在宜興埠工程由何新畬總戎督率練軍上緊平填其海光寺 御路工程由王少卿副戎督率親兵營士緊修築聞各兵士均踴躍從工日夜不息大段規模已經粗具並恐操場地面尚有民踴膏梁未收官府恐誤閱操日期已按畝給錢六千文出示曉諭矣

英公使朝鮮政府訂定平壤開礦條約 ○朝鮮來函云英國駐韓公使欲於平壤地方開辦煤礦刻已由韓廷允准立有條約茲摘錄要款數則如左 第一款大英國商人木爾鐸海意兩人或由伊所派代理人並礦師一人自訂立合同後限兩年內揀選礦地一區長六十韓里依照合同各條辦理所有礦產任憑開採第二款係揀選礦地之界限內所產金銀銅鐵及寶石煤炭等類無論該商及所派代理人一例任憑開採並准其掌管一切礦務而此合同所定年限未滿期以前所有選定礦地界內不准大韓政府及他人開採第四款此合同所立期限二十年為滿第五款凡永興端川吉州平壤載審遂安咸興等各路無論別國人所採之地並陵園泉宮及大城大鎮商市附近等處祇要有礦准其選擇開採第十款開採礦產所得之利除開去一切經費外淨存餘利以百分之五份分派大韓政府繳收廿五份每年至六月三十日及十二月三十一日照股分派第十二款該礦僱用夫工每百人中准其僱用韓人九十八人餘由該商或代理人隨便僱用第十五款此合同訂立畫押前後如大韓政府及世昌洋行彼此互商倘欲更改此合同亦當照樣更改錄天津聞報

扶桑濯足 ○日本來函云西歷九月中旬日皇車馬擬行幸橫須賀軍港故日來新造之富士八島高砂天覽各兵輪船均已起碇前往迎迓是處鎮守府及常備艦隊司令官各率屬下灑道清塵整飭一切聞起碇之期約在十六七左右云○臺灣守備兵福興縣第廿四聯隊本屆輪應更替之期西歷九月十一號日政府特遣將校一百廿七人由門司乘臺南丸輪船起程前往瓜代○今屆封姨陸盧凡被災之處不一而足如岩平縣居民房屋及各處橋樑衝去無數被水溺斃者十餘人又宮古町有五百五十戶均遭淹浸上閉伊那流失民居五十六戶其餘田產房屋被損者不可數計作告年豐又遭水患天乎天乎何不佑斯民若此耶○畿年中口之役依堯山軍憲督兵守固若長城大為日人所欽敬聞當時兩軍對壘日本之山縣元帥野津大將川上中將立見少將等四人見其軍令之森嚴陣法之整肅欽慕尤深歸國後將軍憲爵秩載之史冊稱其不避鋒鏑勇敢善戰有古名將風日前某日人由華回國將軍憲所書虎字中堂貽贈四將得之珍同拱璧可見褒思惡佞公論昭然彼誤國偷生之輩其不為日人所齒冷者幾希○日本派駐美國之公使屋亨君現已任滿歸國所遺之缺由日廷簡放外務次官小郎君壽太郎前往接任遞遺之缺則委鳩山君和夫接理

相視無言 ○葡葡才國貸借外款計有六千萬磅以上無計償還政府十分焦灼英國遂籌墊鉅款代為清償葡政府感戴殊深以帖刺個阿灣並阿非利加東海岸屬地割讓與英管轄又以馬法刺及阿作魯羣島為英國戰時貯煤之所藉以酬報英國在葡得此大利德國袖手其旁應有違言乃德人竟肯默然是何故歟或者英德兩國早有成約在先如德人去年在中國要挾各款而英人亦默爾無言即此諺之當亦可恍然悟矣譯朝日報

匪黨蠢起 ○廣東來信云近日兩廣無處不有亂黨從廣東至梧州由梧州至雲南邊界以至海南汕頭等處其所謂三合會白蓮教者幾至遍處皆有地方官異常憂慮向以海南為更危急亂黨千餘人已據瓊州之美國耶穌教堂教中人紛紛避海口請英領事保護三日後即經官兵千人攻擊亂黨盡數驅往他處殺斃五十名傷三百名據近日消息謂亂黨近復聚集官兵等思欲先行復奪瓊州再進攻海口彼處地方官並美領事已請督憲趕緊派兵前往撲滅矣

重慶水災 ○重慶來信云近來各處河水陡漲二三十年來未逢如此大水重慶城外及江北房屋為水淹沒約有數百間之多冲擊倒塌者亦復無數重慶朝天門水勢最高已經灌入城中被災難民矚目皆是意憲捐銀二千兩巴縣捐銀五百兩其餘各官均有捐助以為賑濟每於城外開行見婦女小孩露天席地日炙雨零無家可歸無物可食情形實堪憐憫如在他處尚有客棧醫院及閒空房屋可以暫行棲止重慶則無可設法災民苦不堪言令人目不忍觀幸水勢近已漸退但願水退比來時更速庶川難可以稍紓也

緝獲窩家 ○近來叻地盜賊日繁搶竊之案無日無之夫盜風至如此之狂當必有窩匪之所而後始能容納有司因此之故經已密派幹差四處潛查遇有形跡可疑者即從而購其所為以便破獲二十早總巡捕官偵悉潛槽港傍某屋乃收藏賊匪之所登即命駕往視既至則見有前派在該處偵察之差扣留三板一艘因該三板榜人某乙載有賊匪前住即與窩主某甲計議沽賣詎方議定而差適至故遂將甲乙并其三板概行執獲惟因候潮之故向未能將此三板解送來坡并悉甲於被獲後復有某丙出銀十五元向差行賄差接其銀因并將丙執獲

概送於案因復入該屋搜視見其中所存贓物尚屬無多惟有小乳袋頗夥袋之字號不一此等物什諒即賊匪并聞該屋主人前者前犯窩匪之案置之於獄至於此屋建造不甚合法不堪居住觀其情形則該屋之建似係專為窩匪所用者今所獲諸人向未經府尊堂訊也

失水遇救 ○閩人曾某駕駛船十八早道經三務海面見有穆拉油人二名抱持片板浮於水中知係失水之人爰即將其救獲詢以何故下水據云一名把東一名亞山於十六夜駛船出海捕魚遇風覆舟因而落水計在海面浮沉已閱一晝二夜之久云云曾乃將此二人載送來坡二人欣謝不勝即回家取銀酬謝以謝活命之德云

府案節登 ○二十日巡理府堂訊槍案一起據粵婦陳氏控稱住居小坡鐵巴貳前十九晚來坡買物而歸有舖二元六角三占携於手中道經暗牌差館前被潮人林開輝將舖槍奪去當即鳴捕嗣為暗差將其執獲云云府尊訊畢判林監禁三閱月充當苦工○工部局查屋總差控告客人温振於案據稱本日早查至被告家中見其地方不潔誠以勿爾詭竟敢出銀三角以行賄賂故特執之云云府尊訊畢判罰温銀十五元無銀監禁十日○護署西差來兼昨控粵婦郭亞妹於案據稱郭前日由華來叻携有女子二口為護政暫留候查詎郭竟敢冒認新再鳳之鴛婦到署欲將二女領回因被察出故特將其控告云云同日府尊訊畢判罰郭銀廿五元無銀改禁廿一日○十九早叻產閩人蔡友德與瓊人張亞生在武吉巴梭打架為差所獲二人均有受傷張傷在背蔡傷在手是日府尊提訊各執一詞蔡則謂被張刺傷張亦謂被蔡刺傷至蔡之傷不過其自己錯手誤損皮毛耳府尊訊畢以張傷在背蔡傷在手則張言較為可信因判罰蔡銀廿五元無銀改禁一月○前報妓女陳亞桂因稟呈巡捕官控告巡差無禮等情嗣因查無實據故反將該妓控告一案二十日已在府堂集訊該妓延有狀師代訴訊畢後以該妓為無罪因命將其省釋

請驗天 流屍報驗 ○十九日下午有流屍一具漂至鐵巴貳前海傍屍係華人似屬潮籍工役惟不知其姓氏業由巡差將屍撈送院報聞

京報選錄 ○頭品頂戴河南巡撫臣劉樹棠跪 奏為遵議覆陳懇 恩立案恭摺仰祈 聖鑒事竊臣准總理衙門咨本衙門會同戶部議覆河南巡撫奏擴充製造廠局添購機器一摺本日奉 硃批依議欽此抄錄原奏咨照前來當即欽遵轉行遵照辦理伏查臣前奏擴充製造廠局係欽遵光緒二十三年十二月二十五日 上諭籌議辦法請 旨交議尚未實見諸施行者也所陳鍊鋼以迄造快槍砲造無烟火藥各項機器皆榮祿原奏指令購辦者竊念規模較大需款浩繁斷非一省財力所及臣是以有請合數省之力經營一廠之議雖非設有豫廠而各省之廠可廢也總署原奏既以為無用置議臣又何敢多瀆至以舊式機器祇足製造各彈而緩急仍不可恃儘可由臣隨時添酌更易名目報部核銷無庸作為另案一節查本省現購機器誠如原奏所云係為舊存槍枝製造子彈之用臣已於購辦機器懇請免稅案內詳細聲明若更易名目報部臣實不敢出此在總署規模宏遠惟創始之初難言周備若令照榮祿原奏辦理實有未逮祇有竭其力之所及格選屬萬分竭蹶臣亦知現辦局廠規制甚小緩急未必足恃惟創始之初難言周備若令照榮祿原奏辦理實有未逮祇有竭其力之所及格選論旨漸次擴充以仰副 聖主整飭武備之至意查豫省現設機器廠局在省城南門外阜屯地方與惠濟河相近水極清洩造彈機器業已安留停妥派委候補道李全慶總理其事招募工匠於三月二十九日開工購置藥及造槍槍車亦將次運到並訂購鐵筒五百枝擬先造後購槍五百桿以資應用現在本省之新練豫軍一律改習洋操臣又責令各州縣自練勇隊保衛地方所需槍械子藥尤夥將來局廠之所造費用既省購運兼寒漏厄軍營練總之用可以不另開銷各州縣之請領者仍可責令繳價雖暫費於目前實可收效於後日臣前請提用裁營節餉餘款部臣不准動用自應遵照籌還惟司庫款項歷年入不敷出久在 聖明洞鑒之中其報解各項餉需經費大都設法騰挪移就急若指籌大宗款項為製廠局之用實屬無從措畫即有新籌之款均經部撥有著無可挪移惟有請將此項用款准其作正開銷隨時辦理至應解部省關庫及各款項仍照常起解不至有誤等情據布政使額勒精額具詳請 奏前來臣維機器製造局廠係奉 特旨籌辦之件以備軍需以振工藝實屬不容緩圖豫省財力有限鉅款未易措集亦係實情相應懇 奏前來臣維機器製造局廠係奉 特旨籌辦之鴻施逾格所有遵議覆陳緣由除分咨外理合恭摺具陳伏乞 皇上聖鑒敕部立案施行謹 奏奉 硃批該衙門知道欽此○署日講起居注官詹事府少詹臣王錫蕃跪 奏為敬舉通達時務人才恭摺仰祈 聖鑒事竊維時賴有真才佐治宜資策我 皇上勵精圖治時以人才為重數月以來於內外臣工所保人員屢次 召見量才錄用一善不遺古帝王勞求俊彥之隆規於今再見自強之道豈於此首植其基臣備員 講帳仰窺 睿肝勤勞欽感莫名言喻深維以入事 君之義輒願舉其所知用效壤流之一助臣前奉 恩命視學閩中在任數年於閩省人才時時留意所知者亦以閩省為較多竊見福建興泉永道周蓮辦事勤懇心地光明所至之區士民皆畏感德思慎勤毅然以奮身報 國為心講求中外政務實能周知利弊海峽出之才四川候補道沈炳清係原任兩江督臣沈葆楨之孫長才偉畧不遜家風在船政局十有八年辦事精詳於製造之學具有心得經理各事均能措置裕如喬木世臣庶幾不憚其選北洋水師學堂總辦侯選道嚴復本船政駕駛學生出洋學習於西國典章名理之學俱能採本溯源精心研究中學亦通貫羣籍著述甚富水師情形尤其所熟知專習久在北洋供

政駕駛學生出洋學習於西國典章名理之學俱能採本溯源精心研究中學亦通貫羣籍著述甚富水師情形尤其所熟知專習久在北洋供

差奉公之外閉門寡合其立品尤為高卓內閣候補中書林旭才識明敏能詳究古今以求致用於西國政治之學討論最精尤熟於交涉商務英年卓學其才實屬超羣以上四員就臣所見均係通達時務之材用敢據實保荐開運現居本任沈翊清尚未往赴四川此時聞在福建原籍嚴復在天津當差林旭在京供職可否仰求 皇上量才器使之處恭候 聖裁所有微臣保荐人才緣由謹繕摺具陳伏乞 皇上聖鑒謹奏奉 旨欽此○王錫蕃片 再臣伏見我 國家振興商務設立總局 簡派大員督理此仿外洋設立商部之意也查各國專立商部外復於各處城鎮口岸設立商會商會非商部所設而為商部所准立凡各國立會之處皆商家辦事而其國家助之公舉董事集議以通達商情振興工藝開拓利益為要圖故凡法律稅則有與商務窒礙或應行備訂條規者如海口工程之作轍河海行船之章程暨輪車郵電諸務有於商賈利益之事均准與議院及各該管部員條議凡本處鄰境之交易公所商務判院應否建設各色股票應否交易各處水陸運費如何加減水火保險有無流弊或條陳商部或由商部詢問均可隨時核議至本處商家公產如學堂棧屋及救生衛生各局均歸商會經理其董事之名達於商部董事無薪水夫役書記俱有薪工其經費取於商家之納帖者議定若干報部核定此外外國商會之大畧也德國自勝法人後始立商會未二十年出口貨十倍於前日本商會林立出口貨亦日增英國商會權力尤大其設於上海者倘有與華商意見不合之處其領事輒為之爭論中國貿易雖多而官商之情不通官不能隨時助商故利不興而弊不去今 國家既設商務總局似宜 敕下各省督撫於沿江沿海各埠頭設立商會而於上海設總商會由總理衙門派員為之經理或由商家公舉職員請總理衙門派員專以聯絡各項商業為急務講求出進口貨物之利弊詳達各商家之隱情稟成於總理衙門與商務局相輔而行遇有與洋商交涉事件均可與地方官及領事隨時妥議庶不受洋商之抑勒其保全華商之利權裨益甚多商務必蒸蒸日上查湖廣督臣張之洞前於署理兩江總督任內曾創設商務局委員督辦上海各商中亦頗有商董名目然未經明奉 諭旨是以實效尙少微臣仰欽 朝廷振興商務之至意謹抒愚見附片具陳是否有當伏乞 聖鑒酌核施行謹 奏奉 旨欽此

工部局告白 ○啟者特此通知凡新嘉坡工部局內所轄各地段諸人照例可以充當局員及有權可以在各段公舉他人以為局員者其芳名冊業經改正列入國家憲報之內並有底冊存於本局寫字樓以便諸君到而查閱至諸人有權可以入票公舉局員及其自己可充局員而其名尙未列在更改冊內者祈即將其芳名及其居址事業等具字通知本局司理人可也特此佈告
署工部局司理人綿慧丕奉命謹啟
西一千八百九十八年十月四號

北慕娘國家招人承充餉碼告白
啟者茲北慕娘國家欲招人入票承充以下所列各餉碼其票當於西一千八百九十八年忽民末月十五號以前送交仙那港輔政司署以憑選擇至此餉碼係承充一千八百九十九年一載為期茲將各碼開列如左
鴉片烟餉碼 酒牌餉碼 當店餉碼 北慕娘出入口稅餉碼 北慕娘賭碼 所有一切詳細情形可向本行詢問便能知悉特此佈告
西一千八百九十八年九月二十四號 一 二 北慕娘國家駐紮新嘉坡代理人牙甫里洋行謹啟

荷蘭總領事示 ○大荷蘭國駐叻總領事府尼域 為曉諭事照得西本年屋多末月十號及十一號有勿連木八十五久密棉打在巨港出投為此示仰商民人等知悉汝等有欲採購者其如期前往投可也特此諭知
西一千八百九十八年九月十七號 一 二 示

新式快車出售 ○啟者本行現由美國到有新款兩輪之足踏車此等快車名曰麗敦車身甚輕故能快捷而行駛又不須費力且復堅固耐久乃是踏車中頂上之品至本行所到此等之車各款俱備以憑選擇 諸君有欲購用者祈早 惠臨選沽為盼
大清光緒二十四年八月十五日 西歷一千八百九十八年九月三十號 勞民申雜貨公司謹啟

草聖暫駐 ○朝鮮尹君溪石草法本地人士已所欣賞今由吉龍而返叻現寓於單邊街新巨泰三樓開筆更駐一月動身其潤資均照舊例新到上海箋及金榜紙寄售
光緒廿四年七月十八日 啟

藥店召頂 ○啟者茲有藥店一間生理尙堪過得祇以該店主人事務太煩不能顧及今欲將此店頂與他人承受有合意者請至叻報館面詢便得
光緒二十四年七月初三日 叻報館代啟

新印台灣地圖寄售 ○啟者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已有正人心所宜亟為攷究者 諸君賜顧請移玉至本館面商可也
大清光緒二十四年五月十三日 本館謹啟

新到上等機器油
 啓者茲本行有新到之機器油一種此油乃上等之貨所有輪船火爐火鋸及一切機器如用此油者較於卑麻油實有過之且其價值較卑麻油爲廉每担約少三四元之譜 諸商有欲購用此油者可至本行取其油辦試之即能知其妙處更可以見本行之語非虛也特此佈告
 大英一千八百九十八年八月十八號
 轉珍日兄弟公司謹啟

實知賓西醫鑲牙
 啓者余精習鑲牙之業并知牙科醫道凡與人脫牙并無痛楚而所鑲之齒由一二枚以至全副俱能鑲妥如鑲全副者乃用最新之法其齒自能嵌固勝於舊法用彈弓者多倍又能以電氣參入醫道以醫脚風骨痛現再究得新法能治肺疾及風濕疼痛骨節堅強等症并爲烏里燕達性命保險公司代理華人性命保險之事 諸君賜顧請至未得里路第六號門牌樓上面商爲盼
 大英一千八百九十八年六月二十八號
 牙科醫生實知賓謹啓

店舖出租
 啓者茲有店舖一間坐落溝仔嶺第廿五號門牌即順源棧之隣前經該棧稅爲貨棧者茲欲將其樓下及後樓出租與人諸君有欲稅住者請至墊那路頭豐興號內向余詢問便得特此佈聞
 光緒廿二年十月廿四日
 薛運錫謹啟

**福建漳州府詔安縣江天恩先生精岐黃之術存保赤之心發藥不虛活人無算於何見之緣際見本年正月間偶沾外感之症午後潮熱發熱延醫治理後變爲癆瘵初不以爲要及至閏三月忽爾骨枯肉脫昏迷不省人事兼以泄瀉日夜臥於床席諸藥罔效幸允昌號黃孫江兄見此症危甚特地爲余保存云非江先生難期奏效於是敬延診視不數劑而藥到春回十餘日而大病消除精神強固於戲先生醫道可謂神矣具此手段非折肱妙手曷克臻此昔人所謂一鄉有良醫乃一鄉之福一邑有良醫固一邑之幸先生今在豆腐街口致中和藥行內懸壺濟世豈非嘉坡之幸哉余先受其福焉爲勸數言以鳴謝悃甚願有采薪之憂者登堂請教定卜同躋於仁壽也夫
 大清光緒廿四年七月廿三日 鄭譽錦敬啟**

時雨軒藥酒發售

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎爲記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡直街廣茂生號寄售 一在芙蓉埠廣生號寄售 一在吉隆坡恒棧號寄售
 大清光緒廿四年六月廿九日 時雨軒主人謹啓

正呂宋烟發客



啓者本號親自在小呂宋採辦意未即拿廠揀選正地道烟葉製造各款星妹麥仙花麥雙馬麥呂宋烟枝經已馳名中外其雙馬麥中更有二百庄白結度經尤爲冠美氣味香順蒙探客留心細察庶免魚目混珠今在新架坡馬交街門牌第四十三號並承辦各款呂宋烟發行貨真價實最屬相宜以圖久遠 諸君光顧請移玉到本號面議是禱各款麥頭太多不能盡錄謹此佈 聞
 大英一千八百九十六年十月十九號
 新嘉坡馬交街生昌泰謹啟

豐源號

本號輪船往來各埠定期開列如左 在各埠往實叻日期
 由麻六甲往芙蓉每逢禮拜二六日中午十一點鐘開行
 由各埠回實叻之日
 由麻六甲回芙蓉每逢禮拜二五日上午十點鐘開行
 各輪船在叻往麻六甲吉隆坡實蘭午 等禮拜五日三點鐘開行特此佈

在實叻往麻六甲每逢禮拜一五日下午四點鐘開行
 由芙蓉往吉隆坡每逢禮拜二六日下午六點鐘開行
 由吉隆坡回芙蓉每逢禮拜二四日下午四點鐘開行
 由麻六甲回實叻每逢禮拜二五日下午四點鐘開行
 豐源號謹啟

正金鐘標萬蘭池酒發客

啓者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司每辦以應零沽凡華商諸君有欲零沽者請至酒公司沽買便得如買成起以俾配往外處者仍



所上有各票如無本行牙殺呼峇華字者即爲假貨幸勿爲之誤買

在市上假冒者甚多以爲假貨幸勿爲之誤買

製法之法精妙異常酒味甚清以之蒸釀者皆爲上等之料保無僞充之弊此酒若在本地沽飲甚屬合宜且價亦甚廉用須翁沽用須爲留心辨明以免魚珠之混現

新嘉坡嘉東街前
嘉東街前
嘉東街前
嘉東街前

售出酒池蘭萬標仔冠首紅

大英一千八百九十七年二月十二號

不殺呼峇即前加珍洋行謹啟




Bisquit Dubouche & Co.
COGNAC

啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熱氣概已全消所以諸君沽飲者均深獎譽現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字爲憑庶免爲魚珠之混是所切盼

啓者本館新印戊戌年華英月份牌現經告竣至本年刷印所以畧遲之書實緣明年曉朔節氣頗有參差本館鑒於前年叨地諸家之悞故有敢冒昧從事爰特按照欽定時憲由詳加校勘所有差餘氣節悉無訛舛庶得以仰副諸君子惠顧之殷至於圖畫之式亦已概改舊觀以期一新眼目諸君賜顧請移玉至本館面議價其相宜倘欲躉買更當格外從廉特此奉聞諸惟 惠照

本館謹啓

鐵廚出售




啓者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極爲美善本坡所有西人齊智人以及作椒蜜生理諸華商多向本行沽買以爲貯銀之用因本行所沽者均用頂上物料製造而成不惟能壯觀瞻並且異常堅固無論火燒盜劫均可無虞皆美價廉莫此爲甚倘各君有欲購此廚以收藏重寶者可至本行選閱是幸此佈


英一千八百九十八年正月十三號
不殺呼峇公司即前加珍洋行啟

馳名鐵廚發售

嘗思養生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用



有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商




所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟

三品出品售

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡級明嗎也公司者始真若無此字樣即屬假冒請為細認特此佈告 大英一千八百九十八年正月一號 明嗎也洋行謹啟



烏密酒發賣



啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酌飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟


法國頂上蜂窠標萬蘭池酒發客



敬啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至 惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟


明嗎也洋行謹啟

蜜酒發賣



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日裡等處其他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟

明嗎也洋行謹啟



加勝巴	閩毆漢輪船	廿三日	上午七點	遮旦弟利士
三寶瓏	泗水毛汝居	又	又	又
加勝巴	利加賓智火船	廿三日	上午七點	遮旦弟利士
井里汶	葛直北加浪	三寶瓏	又	又
麻六甲	薩寶火船	廿三日	下午四點	實得力公司
芙蓉	吉龍	又	又	又

前途來電云 英國郵船名峇刺力於本月十六日 由香港
 啓程來叻 定於本月廿一日禮拜四即能抵叻 上落客貨
 畢即往歐洲等處矣

前途來電云 英國郵船名舟山本月十六日 由高浪霧啟
 程來叻 定於本月廿二日禮拜五即能抵叻 上落客貨訖
 即往 香港 上海 等處